

續古逸丛书

孟子

蘇古通史序

題

孟子卷第十三

趙氏注

盡心章句上

盡心者人之有心為精氣主思慮可  
否然後行之猶人法天天之執持維

綱以正二十八舍者北辰也論語曰北辰居其所而眾  
星拱之心者人之北辰也曰存其心養其性所以事天

也故以盡  
心題篇

孟子曰盡其心者知其性也知其性則知

天也

性有仁義禮智之端心以制之惟心為正人能  
盡極其心以思行善則可謂知其性矣知其性

則知天道之  
貴善者也

存其心養其性所以事天也

能  
存

其心養育其正性可謂仁人天道好生仁人亦好  
生天道無親惟仁是與行與天合故曰所以事天 歿



壽不貳脩身以俟之所以立命也貳二也仁人之行一

度而已雖見前人或殀或壽終無二心改易其道殀若顏淵壽若邵公皆歸之命脩正其身以待天命此所以

立命之本也章指言盡心竭性足以承天殀壽禍福秉心不違立命之道惟是為珍

孟子曰莫非命也順受其正莫無也人之終無非命也命有

三名行善得善曰受命行善得惡曰遭命行惡得惡曰隨命惟順受命為受其正也是故知命

者不立乎巖牆之下盡其道而死者正命

也知命者欲趨於正故不立巖牆之下恐壓覆也盡脩身之道以壽終者為得正命也桎梏死

者非正命也畏壓溺禮所不弔故曰非正命也章指言人必趨命貴受其正巖牆之



疑君子  
遠之

孟子曰求則得之舍則失之是求有益於

得也求在我者也

謂脩仁行義事在於我我求則得我舍則失故求有益於

也得也求之有道得之有命是求無益於得也

求在外者也

謂賢者脩其天爵而人爵從之故曰求之有道也脩天爵者或得或否故

言得之有命也爵祿須知己知己者在外非身所專是以云求無益於得也求在外也章指言為仁由己富

貴在天故孔子曰如不可求從吾所好

孟子曰萬物皆備於我矣反身而誠樂莫

大焉

物事也我身也普謂人為成人已往皆備知天下萬物常有所行矣誠者實也反自思其身所

施行能皆實而無

虛則樂莫大焉

強恕而行求仁莫近焉

當自強勉

以忠恕之道求仁之術此最為近

章指言

每必以誠恕已而行樂在其中仁之至也

孟子曰行之而不著焉習矣而不察焉終

身由之而不知其道者眾也

人皆有仁義之心日自行之於

其所愛而不能著明其道以施於大事仁妻愛子亦以習矣而不能察知可推以為善也由用也終身用之以為自然不究其道可成君子此眾庶之人也

章指

言人有仁端達之以為道凡夫用之不知其為寶也

孟子曰人不可以無恥

人不可以無所羞恥也論語曰行己有取

無



恥之恥無恥矣

人能恥己之無所恥是為改行從善之人終身無復有恥辱之累也

章指言恥身無分獨無所恥斯必遠辱不為憂矣

孟子曰恥之於人大矣為機變之巧者無

所用恥焉

恥者為不正之道正人之所恥為也今造機變穿陷之巧以攻戰者非古之正

道也取為一切可勝敵也宜無以錯於廉恥之心也

不恥不若人何若人

有不慕大人何能有恥是以隰朋愧不及黃帝佐齊相

章指言

以有勲顏淵慕虞舜仲尼歎庶幾之云

孟子曰古之賢王好善而忘勢

樂善而自卑若高宗得傳



說而稟命

古之賢士何獨不然樂其道而忘人

之勢

何獨不然何獨不有所樂有所忘也樂道守志若許由洗耳可謂忘人之勢矣

故王

公不致敬盡禮則不得亟見之見且由不

得亟而況得而臣之乎

亟數也若伯夷非其君不事伊尹樂堯舜之道

不致敬盡禮可數見之乎作者七人隱各有万豈可得而臣之章指言王公尊賢以貴下賤之義也樂道忘

勢不以富貴動心之分也各崇所尚則義不虧矣

孟子謂宋句踐曰子好遊乎吾語子遊人

知之亦賢賢人不知亦賢賢

宋姓也句踐名也也也好以道德遊

欲行其道者買器曰何如斯可以買器矣句踐問何

自得無欲之貌買器曰尊德樂義則可以買器矣尊貴也

執守可買器也能貴德而履之樂義而行故士窮不失義達不離

道窮不失義故士得已焉達不離道故民

不失望焉窮不失義不為不義而苟得故得已之本性也達不離道思利民之道故民不

失其望也古之人得志澤加於民不得志脩身

見於世窮則獨善其身達則兼善天下古

人得志君國則德澤加於民人不得志謂賢者不遭遇也見立也獨治其身以立於世間不失其操也是故獨



善其身達謂得行其道故能兼善天下也 章指言內  
定常滿器器無憂可出可處故云以遊脩身立世賤不  
失道達善天下乃用其實句踐好  
遊未得其要孟子言之然後乃喻

孟子曰待文王而後興者凡民也若夫豪

傑之士雖無文王猶興 凡民無異知者也故須  
文王之化乃能自興

起以趨善道若夫豪傑才知千萬於凡人者雖不遭文  
王猶能自起以善守身正行不陷溺也 章指言小人  
待化乃不辟邪君子特立不  
為俗移故稱豪傑自興也

孟子曰附之以韓魏之家如其自視歆然

則過人遠矣 附益也韓魏晉六卿之富者也言人  
既自有家復益以韓魏百乘之家其



富貴已美矣而其人欲然不足自知仁義之道不足也  
此則過人甚遠矣 章指言人情富盛莫不驕矜若能  
欲然謂不如人非但  
免過卓絕乎凡也

孟子曰以佚道使民雖勞不怨

謂教民趨農  
役有常時不

使失業當時雖勞後獲其利則佚  
矣若亟其乘屋之類也故曰不怨

以生道殺民雖

死不怨殺者

謂殺大辟之罪者以坐殺人故也殺  
此罪人者其意欲生民也故雖伏罪

而死不怨殺者 章指言勞人欲以  
佚之殺人欲以生之則民無怨讟也

孟子曰霸者之民驩虞如也王者之民皞

皞如也殺之而不怨利之而不庸民日遷

善而不知為之者

霸者行善恤民恩澤暴見易知故民驩虞樂之也王者道

大法天浩浩而德難見也殺之不怨故曰殺人而不怨也庸功也利之使趨時而農六畜繁息無凍餓之老而

民不知獨是王者之功脩其庠序之教使日遷善亦不能覺知誰為之者言化大也夫君子所

過者化所存者神上下與天地同流豈曰

小補之哉

君子通於聖人聖人如天過此世能化之存在此國其化如神故言與天地同

流也天地化物歲成其功豈曰使成人知其小補益也章指言王政浩浩與天地同道霸者德小民人速覩

是以賢者志其大者也

孟子曰仁言不如仁聲之入人深也

仁言政教



法度之言也仁聲樂聲雅頌也仁言  
之政雖明不如雅頌感人心之深也  
善政不如善

教之得民也

善政使民不違上善教使民尚仁義心易得也

善政民畏

之善教民愛之善政得民財善教得民心

畏之不逋急故賦役舉而財聚於一家也愛之樂風化而上下親故歡心可得也  
章指言明法審令民趨君

命崇寬務化民愛君德故曰移風易俗莫善於樂

孟子曰人之所不學而能者其良能也所

不慮而知者其良知也

不學而能性所自能良甚也是人之所能甚也

知亦猶是能也孩提之童無不知愛其親者及其長



也無不知敬其兄也

孩提二三歲之間在襁褓知孩笑可提抱者也少知

愛親長知敬兄此所謂良能良知也親親仁也敬長義也無他達

之天下也

人仁義之心少而皆有之欲為善者無他達通也但通此親親敬長之心施之天下

人而已章指言本性良能仁義是也達之天下恕乎己也

孟子曰舜之居深山之中與木石居與鹿

豕遊其所以異於深山之野人者幾希

舜耕

歷山之時居木石之間鹿豕近人若與人遊也希遠也當此之時舜與野人相去豈遠哉

及其聞

一善言見一善行若決江河沛然莫之能

禦也

舜雖外與野人同其居處聞人一善言則從之見人一善行則識之沛然不疑若江河之流無

能禦止其所欲行

章指言聖人潛隱辟

若神龍亦能飛天亦能小同舜之謂也

孟子曰無為其所不為無欲其所不欲如

此而已矣

無使人為己所不欲為者無使人欲己之所不欲者每以身況之如此則人道足也

章指言己所不欲勿

施於人仲尼之道也

孟子曰人之有德慧術知者恒存乎疢疾

人所以有德行智慧道術才智者在於有疢疾之人疢疾之人又力學故能成德

獨孤臣孽

子其操心也危其慮患也深故達

此即人之疢疾



也自以孤微懼於危殆之患而深慮之勉為仁義故至於達也章指言孤孽自危故能顯達膏梁難正多用沈溺是故在上不驕以戒諸侯也

孟子曰有事君人者事是君則為容悅者

也事君求君之意為苟容以悅君而已有安社稷臣者以安社稷

為悅者也忠臣志在安社稷而後悅也有天民者達可行於

天下而後行之者也天民知道者也可行而行可止而止有大

人者正己而物正者也大人大丈夫不為利害動移者也正己物正象

天不言而萬物化成也章指言容悅凡臣社稷股肱天民行道大人正身凡此四科優劣之差



孟子曰君子有三樂而王天下不與存焉

父母俱存兄弟無故一樂也仰不愧於天

俯不怍於人二樂也得天下英才而教育

之三樂也天下之樂不得與此三樂之中兄弟無故無他故不愧天又不怍人心正無邪

也育養也教養英才成之以道皆樂也君子有三樂而王天下不

與存焉孟子重言是美之也章指言保親之養兄弟無他誠不愧天育養英才賢人能之樂過

萬乘孟子重焉一章再云也

孟子曰廣土衆民君子欲之所樂不存焉